

Պատրմ հաստատեցաւ 'ի պաշտօնի իւրում' գրեաց և առ Միւֆթին և ասէ՛ դու գոլով 'ի դասէ զխոնականաց, զի՞ փոյթ է քեզ ձեռն մտել 'ի գործ քաղաքականութեան և կառավարութեան, նիսա 'ի տուն քո և արա ազօթս վասն կենաց Թագաւորին: Եւ 'ի գիշերին յայնմիկ եղև ուրախութիւն մեծ 'ի քաղաքին՝ արձակելով հրանօթս 'ի բերդէն . և Միւֆթին անկաւ խօթ 'ի Սիոն եւ արձակեաց յինքենէ զբազմութիւն Ֆէլլահից: Եւ 'ի վաղիւ անդր դնացին առ նա դատաւորն եւ քաղաքապետն՝ այլովքն հանդերձ . և նորա զիջեալ 'ի կամս նոցա՝ արար հաշտութիւն, այլ ոչ էջ 'ի տուն իւր . բացան դրունք քաղաքին և վանօրէից:

Ի խառնաշփոթ ժամանակիս յայնմիկ անտանելի էր ըստահակութիւն այլազգեացն Սիոնի, զի կալեալ զգագաղս ննջեցելոց 'ի ճանապարհի դնէին անդ 'ի հրապարակս, և ոչ տային թոյլ թաղել զնա մինչչեւ առեալ իցեն զգումարս դրամոց . նեղեալ Հայոց յանհանդուրժելի չարութեանց նոցին, բողոք կալան առ դատաւորն՝ եւ ետուն նմա գրել 'ի Դուռն, զի հրովարտակաւ Արքայի բարձցին անկարգութիւնք նոցին:

Աղա Յովհաննճան 'ի Սուրաթ քաղաքի յաշխարհին Հնդկաց, 'ի կենդանութեան իւրում՝ զկնի այլոց՝ կըտակաւ աւանդէ 'ի կտակատունն ընկերութեան Անգղիոյ գումարս ինչ վասն Աթոռոյն Երուսաղէմի: Զկնի մահուան իւրոյ, կտակակատար նորին աղա Մովսէս Խաչիկ Առաքել՝ անկեալ 'ի ներքոյ պարտուց . զձեռագիր մուրհակս կտակացն հանէ 'ի վաճառ . զայս լուեալ Թէոդորոս Պատրիարքին գրէ՝ առ Յակոբ վարդապետ Նուիրակն Հնդկաց վերահասու լինել և հաստատութեամբ կարգաւորել զայն գործ խորհրդով Հայ Իշխանաց այնր աշխարհի: Սակայն չեղև ինչ օգուտ՝ զի 'ի վաղ վատնեալ էր նորա զամենայն դոյս հանգուցելոյն և իւրն իսկ (1807):

Ի բազմանալ տոկոսաւոր պարտուց 'ի վերայ Աթոռոյն՝ և 'ի յաճախել բողոքոյ և դանկատանաց միաբանաց յականջս երեւելեաց ազգին, գրեցին առ Թէոդորոս Պատրիարք առաքել զտումարս բովանդակ ելից և մտից Աթոռոյն, սկսեալ յառաջին ամէ Պատրիարքութեան իւրոյ: